

RESOLUCIÓN POLA QUE SE MODIFICA O PERÍODO PARA A COLOCACIÓN DE CORDAS COLECTORAS DE SEMENTE DO MEXILLÓN NO ÁMBITO DE COMPETENCIA DO DEPARTAMENTO TERRITORIAL DA CONSELLERÍA DO MAR NA CORUÑA

ANTECEDENTES

1. O 11/03/2025 a Dirección Xeral de Pesca, Acuicultura e Innovación Tecnolóxica ditou resolución pola que autoriza, con carácter extraordinario, a colocación de ata 50 cordas colectoras máis por batea en todos os polígonos de cultivo de Galicia, podendo manterse as cordas na batea ata o 30/09/2025.
2. Mediante resolución do 11/03/2025, esta dirección territorial resolveu modificar o período polo que se autoriza a colocación de cordas colectoras de semente de mexillón en bateas, establecido no artigo 36.2 do Decreto 406/1996, do 7 de novembro, de forma que, no ámbito de competencia territorial desta dirección, as ditas cordas poderán colocarse desde o 11 de marzo ata o 30 de setembro do 2025.
3. O 30/07/2025 a Sociedad Cooperativa Galega de Mexilloeiros de Galicia (SOCOMGAL) solicitou ampliar en un ou dous meses o período de colocación de cordas colectoras.
4. O 11/09/2025 a Asociación de Produtores Mejilloneros Ría Nosa de Moaña solicitou ampliar o período de colocación das cordas colectoras, polo menos, ata o 01/12/2025.
5. 23/09/2025 Amegrove Sociedad Cooperativa Galega solicitou ampliar en tres meses o período de colocación de cordas colectoras
6. O 23/09/2025 solicitouse informe aos membros da Comisión do Mexillón.





En contestación á petición formulada, emitiron informe, formulando nalgúns casos as respectivas peticións individuais, as seguintes asociacións: Amegrove Soc. Cooperativa Galega, Federación de Asociacións de Mexilloeiros (FEMEX), Organización de Productores de Mejillón de Galicia (OPMEGA), Asociación de Mejilloneros "San Saturnino" e a Asociación de Mejilloneros Profesionales A' Marxa.

7. O 30/09/2025 o subdirector xeral de Acuicultura e o xefe do Servizo de Innovación Tecnolóxica da Acuicultura emitiron informe, respecto das ditas solicitudes, no que sinalan que non observan ningún inconveniente en que, con carácter excepcional, se manteñan as cordas colectores ata 30/11/2025.

8. O 30/09/2025 o director xeral de Pesca, Acuicultura e Innovación Tecnolóxica ditou resolución pola que se modifica o prazo establecido na resolución do 11/03/2025 pola que se autorizou con carácter extraordinario e atendendo ás circunstancias excepcionais desta campaña a colocación de ata 50 cordas colectoras máis por batea, de forma que as cordas colectoras poderán manterse na batea ata o 30/11/2025.

CONSIDERACIÓNS LEGAIS E TÉCNICAS

Primeira. O artigo 36 do Decreto 406/1996, do 7 de novembro, polo que se aproba o Regulamento de viveiros de cultivos mariños de Galicia, dispón: "*1. Poderán colocarse cordas colectoras de semente do mexillón sempre que o número total de cordas da batea non sobrepase a densidade e número máximo a que se refire o artigo anterior.*

2. Independentemente do recollido no punto anterior, no período que vai dende o 1 de abril ata o 30 de setembro, autorízase a colocación de cordas colectoras de semente do mexillón en bateas de modo que o seu número non sobrepase as 100 respecto ao máximo que lle corresponde á dita batea.

*Cando fenómenos medioambientais excepcionais alteren o ciclo normal de reprodución da especie, modificándose a época de fixación larvaria, a **delegación territorial** (agora departamento territorial), dentro do ámbito da súa competencia **poderá variar o dito período, previa petición da maioría de entidades representativas do sector e informe da correspondente unidade técnica administrativa.***

En todo caso, unha vez finalizado o período, o número de cordas axustarase ao que corresponda á batea."

Segunda. As alteracións motivadas polo cambio climático nas condicións oceanográficas e ambientais provocan que cada vez sexan máis frecuentes os desprendementos de mexillón e a escaseza de mexilla nas rochas na época hábil de recollida. Ademais, a dependencia dos factores climatolóxicos nos desoves do mexillón levan consigo ter en consideración a petición do sector, no que respecta á





ampliación do prazo para o mantemento das cordas colectoras. Así mesmo, a maior necesidade de semente debido a cambios nas demandas de mexillón de talla máis pequeno para o consumo en fresco, favorecen a necesidade de buscar alternativas para que os bateiros se poidan abastecer de semente de mexillón, para complementar á recollida en rocha e evitar unha dependencia desta.

Por conseguinte, atendendo ao informe do subdirector xeral de Acuicultura e do xefe do Servizo de Innovación Tecnolóxica da Acuicultura do 30/09/2025, no que sinalan que non observan ningún inconveniente en que, con carácter excepcional, se manteñan as cordas colectores ata 30/11/2025, ao observarse as mesmas circunstancias que motivaron o ditado da resolución do 11/03/2025 desta dirección territorial, procede modificar o período de permanencia das cordas colectoras, de forma que podan manterse ata o 30/11/2025.

Terceira. De acordo co citado artigo 36.2 do Decreto 406/1996, do 7 de novembro, polo que se aproba o Regulamento de viveiros de cultivos mariños de Galicia, a competencia para ditar a presente resolución correspóndelle á directora territorial da Consellería do Mar na Coruña.

En base ao exposto,

RESOLVO

1. Modificar o período polo que se autoriza a colocación de cordas colectoras de semente do mexillón en bateas, establecido no artigo 36.2 do Decreto 406/1996, do 7 de novembro, de forma que, no ámbito de competencia territorial deste departamento, as ditas cordas poderán manterse na batea ata o **30 de novembro do 2025**.

A dita modificación do período de permanencia das cordas colectoras queda suxeita ás seguintes condicións:

Primeira. A modificación afecta á permanencia das cordas colectoras colocadas no período legalmente establecido para este ano 2025, tendo en conta que por resolución da Dirección xeral de Pesca, Acuicultura e Innovación Tecnolóxica do 30/09/2025 autorizouse, con carácter extraordinario e atendendo ás circunstancias excepcionais, a colocación de ata 50 cordas colectoras máis por batea.

Non se autoriza a colocación de novas cordas colectoras respecto das xa colocadas no período legalmente establecido.

Segunda. As persoas concesionarias deben comunicar o número de cordas colectoras que permanecerán no período extraordinario (do 01/10/2025 ata o 30/11/2025) indicando o nome do viveiro e a súa localización, a través da aplicación TRAZAMAR (<https://www.pescadegalicia.gal/trazamar/login>).





Terceira. Seguimento da recollida de semente de mexillón nas cordas colectoras.

As persoas concesionarias deben realizar a declaración da semente de mexillón captada nas cordas colectoras a través das ferramentas informáticas que a administración pon a súa disposición para tal fin.

Cuarta. En todo caso, para os efectos de realizar o correspondente seguimento técnico, as persoas concesionarias dos viveiros deben colaborar co persoal da Consellería do Mar facilitándolles a información que lles sexa requirida.

Quinta. De acordo co artigo 36.3 do Decreto 406/1996, do 7 de novembro, polo que se aproba o Regulamento de viveiros de cultivo nas augas de Galicia, as cordas colectoras terán libre un dos seus extremos, non poderán ter máis de 5 metros de lonxitude contados a partir da superficie do mar e deberán estar claramente identificadas mediante unha marca de cor vermella intensa, na súa parte superior, dunha lonxitude mínima de 30 cm que as diferencien perfectamente das cordas de engorde.

2. Contra a presente resolución, que non pon fin á vía administrativa, as persoas interesadas poderán interpoñer recurso de alzada ante a persoa titular da Consellería do Mar, no prazo dun mes contado a partir do día seguinte ao da súa notificación, de conformidade co disposto nos artigos 121 e 122 da Lei 39/2015, do 1 de outubro, do procedemento administrativo común das Administracións Públicas.

A Coruña

A directora territorial na Coruña

